

# Escola Galega de Saúde Pública

## CURSO DE Persoa cazadora con formación

(decreto 28/2021, do 21 de xaneiro)

Dirección Territorial da Consellería de Sanidade - LUGO  
Rúa Montevideo, 9. Lugo.

Data: 27 de xuño de 2024

# Escola Galega de Saúde Pública

## CURSO DE **Persoa cazadora con formación**

O prazo de inscrición será do **27 de maio ata o 20 de xuño** e a selección dos asistentes será por rigoroso orden de inscrición.

Número de prazas da edición:  
50

A Xunta de Galicia ven de ofertar unha nova **edición do Curso de persoa cazadora con formación** organizado pola Escola Galega de Saúde Pública e que se desenvolverá o día **27 de xuño de 2024** na dirección territorial da Consellería de Sanidade en Lugo (rúa Montevideo, nº 9).

Requisitos para a inscrición:

- \_ Estar **empadroadado en Galicia**
- \_ **Ter a licenza** de caza en vigor no momento da inscrición no curso.

Pódese consultar toda a información sobre o curso e realizar a inscrición no seguinte enlace:

<https://www.sergas.es/Saude-publica/EGSP-curso-caza>

## OBXECTIVO

**Obter a credencial como persoa cazadora con formación** (en materia de sanidade e hixiene), mediante a acreditación dos coñecementos detallados na sección IV, capítulo I, número 4 do anexo III do Regulamento (CE) nº 853/2004 do Parlamento Europeo e do Consello, do 29 de abril de 2004, en materia de control in situ, sanitario e de hixiene, das pezas de caza silvestre abatidas coa finalidade de seren destinadas ao consumo humano, así como do control de subprodutos animais non destinados ao consumo humano e de sanidade animal, na práctica cinexética de caza maior, establecidos no anexo IV do Real Decreto 50/2018, de 2 de febreiro, polo que se desenvolven as normas de control de subprodutos animais non destinados ao consumo humano e de sanidade animal, na práctica cinexética de caza maior.

## XUSTIFICACIÓN DA NECESIDADE DO CURSO

O Decreto 28/2021, do 21 de xaneiro, polo que se adoptan medidas sobre a subministración directa da caza maior silvestre abatida na Comunidade Autónoma de Galicia, establece que a práctica da cesión por parte das persoas cazadoras a consumidores locais de pequenas cantidades de carne de caza constitúe unha actividade que se configura administrativamente como unha excepción ao réxime xeral de comercialización da caza, tal e como se regula no número 3.c) do artigo 1 do Regulamento (CE) nº 853/2004 do Parlamento Europeo e do Consello, do 29 de abril de 2004, polo que se establecen normas específicas de hixiene dos alimentos de orixe animal .

Esta excepcionalidade tamén aparece recollida no Real decreto 1086/2020, do 9 de decembro, polo que se regulan e flexibilizan determinadas condicións de aplicación das disposicións comunitarias en materia de hixiene, produción e comercialización dos produtos alimenticios e se regulan actividades excluídas no seu ámbito de aplicación. Para minimizar o risco potencial de transmisión de enfermidades por consumo de carne de caza, é necesario, para autorizar esta actividade, establecer requisitos para controlar as condicións sanitarias que deben cumprir as pezas de carne antes da súa subministración directa á persoa consumidora final ou da súa entrega a unha sala de tratamento de caza, como paso previo á súa introdución na cadea alimentaria.

O Real Decreto 50/2018, do 2 de febreiro, polo que se desenvolven as normas de control de subprodutos animais non destinados ao consumo humano e de sanidade animal, na práctica cinexética de caza maior, de aplicación a todas as modalidades cinexéticas de caza maior colectiva, en diante cacerías, que se celebren en todo o territorio nacional, entendéndose como tales aquelas en as que o número de postos é superior a 40 ou o número de pezas abatidas é superior a 20 por xornada de caza, establece tamén a figura do cazador con formación específica en sanidade animal.

Así, os brotes de enfermidades tamén poderían ter un impacto negativo no medio ambiente e a sanidade animal en animais domésticos e fauna silvestre, non só polos problemas de eliminación de subprodutos que suscitan, senón tamén polas súas consecuencias para a biodiversidade.

Por outra banda, o regulamento (CE) n.º 1069/2009, nos seus considerandos 5, 6 e 7, recoñece que a normativa comunitaria debe establecer normas sanitarias, dentro dun marco coherente e global, para a recollida, o transporte, a manipulación, o tratamento, o procesamento ou a eliminación dos subprodutos animais.

Esas normas xerais, ademais, deben ser proporcionais ao risco que entrañen para a saúde pública e saúde animal, e deben tomar en consideración os riscos que estas operacións supoñen para o medio ambiente. Unha correcta xestión dos subprodutos xerados pola caza, ao obxecto de evitar que sirvan de alimento a carnívoros oportunistas e xabaráis, sen dúbida contribuiría a mellorar a situación sanitaria actual.

## LEXISLACIÓN APLICABLE

*Regulamento (CE) n.º 853/2004* do Parlamento Europeo e do Consello, do 29 de abril de 2004, polo que se establecen normas específicas de hixiene dos alimentos de orixe animal.

*Regulamento (CE) n.º 1069/2009* do Parlamento Europeo e do Consello, do 21 de outubro de 2009 polo que se establecen as normas sanitarias aplicables aos subprodutos animais e os produtos derivados non destinados ao consumo humano e polo que se deroga o Regulamento (CE) nº 1774/2002 (Regulamento sobre subprodutos animais).

Regulamento de execución (UE) nº 2015/1375 da Comisión, do 10 de agosto de 2015, polo que se establecen normas específicas para os controis oficiais da presenza de triquinas na carne.

*Real Decreto 50/2018*, do 2 de febreiro, polo que se desenvolven as normas de control de subprodutos animais non destinados ao consumo humano e de sanidade animal, na práctica cinexética de caza maior.

*Real decreto 1086/2020*, do 9 de decembro, polo que se regulan e flexibilizan determinadas condicións de aplicación das disposicións comunitarias en materia de hixiene, produción e comercialización dos produtos alimenticios e se regulan actividades excluídas no seu ámbito de aplicación.

*Decreto 28/2021*, do 21 de xaneiro, polo que se adoptan medidas sobre a subministración directa da caza maior silvestre abatida na Comunidade Autónoma de Galicia.

# CURSO DE Persoa cazadora con formación

Decreto 28/2021, do 21 de xaneiro

## PROGRAMA

MÓDULOS	RESPONSABLE	HORARIO	DURACIÓN
<b>MÓDULO I</b> Anatomía, fisioloxía e comportamento das especies de caza silvestres.	<b>Bran Casal Pereira</b> <b>Darío Andrade Expósito</b> Consellería de Medio Ambiente, Territorio e Vivenda	10.00h a 11.30h.	1.30h.
PAUSA		11.30h a 12.00h.	
<b>MÓDULO II</b> Comportamentos anómalos e alteracións patolóxicas dos animais de caza silvestre provocados por enfermidades, fontes de contaminación ambiental ou outros factores que poidan afectar á saúde pública no caso de consumirse a súa carne.	<b>Marta Muñoz Mendoza</b> Consellería do Medio Rural	12:00h a 14:00h.	2h.
<b>MÓDULO III</b> Normas de hixiene e técnicas adecuadas para a manipulación, transporte, evisceración e demais operacións ás que deban someterse os ditos animais trala súa morte. Disposicións legais e administrativas sobre os requisitos de policía sanitaria e saúde pública e hixiene aplicables á posta no mercado de caza silvestre.	<b>Carlos García-Argüelles</b> <b>Suárez</b> Consellería de Sanidade	16.00h a 18.00h.	2h.
PAUSA		18.00h a 18.15h.	
<b>MÓDULO IV</b> Xestión de SANDACH na práctica cinexética de caza maior.	<b>Luis Fidalgo Álvarez</b> Federación Galega de Caza	18.15h a 19.15h.	1h.
<b>TEST FINAL</b>		19.30h a 20.00h.	1/2 h.
<b>TOTAL</b>			<b>7 HORAS</b>

## MÓDULO I \_Anatomía, fisioloxía e comportamento das especies de caza silvestres (CMATV)

1,5 HORAS	<b>PARTE A _Ecoloxía</b> das principais especies de caza maior, sobreabundancia e xestión dos terreos cinexéticos sometidos a réxime especial.	<b>1_</b> Principais especies cinexéticas de caza maior e a súa situación na Comunidade Autónoma. Distribución e tendencias poboacionais. <b>2_</b> Bioloxía e etoloxía das especies cinexéticas de caza maior; recoñecemento da súa idade ou clase de idade; a caza como actividade reguladora das súas poboacións. <b>3_</b> Xestión do aproveitamento cinexético das especies de caza maior nos terreos de réxime cinexético especial en Galicia. <b>4_</b> Concepto de capacidade de carga e taxa de crecemento. Sobreabundancia.
	<b>PARTE A _Anatomía, fisioloxía e comportamento</b> das especies de caza silvestres nos terreos de actuación no marco do Decreto 28/2021.	<b>1_</b> Ruminantes. <ul style="list-style-type: none"><li>• Cérvidos (corzo*, cervo).<ul style="list-style-type: none"><li>• Características anatómicas básicas.</li><li>• Reprodución e comportamento.</li><li>• Alimentación.</li></ul></li><li>• Bovidos (cabra, rebezo).</li></ul> <b>2_</b> Monogástricos: Súidos (xabaril).

## MÓDULO II \_Comportamentos anómalos e alteracións patolóxicas dos animais de caza silvestre provocados por enfermidades, fontes de contaminación ambiental ou outros factores que poidan afectar á saúde pública no caso de consumirse a súa carne (CMR)

2 HORAS	<b>1_</b> Principais enfermidades de interese en caza maior (zoonoses e sanidade animal). Recoñecemento de alteracións e lesións máis importantes. <b>2_</b> Epidemioloxía das enfermidades relevantes. Especial incidencia na tuberculose e PPA, Aujeszky...entre outras. Reservorios silvestres de enfermidades. <b>3_</b> Normativa básica de vixilancia sanitaria en caza maior: Programa Nacional de Vixilancia Sanitaria da Fauna Silvestre e PATUBES (entre outros). <b>4_</b> Aspectos sanitarios da actividade cinexética: Aplicación en campo: vixilancia activa e pasiva, xestión de mostras (inspección lesións, toma, trazabilidade, envío a laboratorio), comunicación aos Servizos Veterinarios Oficiais.	<b>5_</b> Bioseguridade aplicada á actividade cinexética. <b>6_</b> Xestión cinexética responsable desde o punto de vista sanitario. O papel do cazador na interfaz fauna silvestre, medioambiente e saúde. <ul style="list-style-type: none"><li>• Bioseguridade na actividade cinexética.</li><li>• Responsabilidades, cargas e beneficios obtidos polos cazadores na súa actividade.</li></ul>
---------	---	---

## MÓDULO III\_ Normas de hixiene e técnicas adecuadas para a manipulación, transporte, evisceración e demais operacións ás que deban someterse os ditos animais trala súa morte. Disposicións legais e administrativas sobre os requisitos de policía sanitaria e saúde pública e hixiene aplicables á posta no mercado de caza silvestre (CS)

2 HORAS	<b>1_</b> Introducción. <b>2_</b> Regulamentos de hixiene e rastrexabilidade. <b>3_</b> Hixiene básica da carne de caza. <b>4_</b> Persoa con formación: <ul style="list-style-type: none"><li>• Obxectivo.</li><li>• Obrigas.</li></ul> <b>5_</b> Anatomía e fisioloxía das especies de caza maior silvestre.	<b>6_</b> Normas de hixiene para a manipulación e técnicas adecuadas. <ul style="list-style-type: none"><li>• Exame visual das pezas.</li><li>• Evisceración.</li><li>• Decisión para o traslado.</li><li>• Identificación das pezas.</li></ul> <b>7_</b> Riscos asociados ao consumo de carne de caza. <b>8_</b> Detección das enfermidades máis frecuentes. Guía - Vixilancia sanitaria da fauna silvestre.
---------	---	--

## MÓDULO IV\_ Xestión de subprodutos cinexéticos

1 HORA	<b>1_</b> Que son os SANDACH? <b>2_</b> Quen e como se regula a xestión dos SANDACH? <b>3_</b> Por que é necesario facer unha xestión adecuada dos SANDACH?	<b>4_</b> Clasificación dos SANDACH. <b>5_</b> SANDACH xerados na práctica cinexética de caza maior. <b>6_</b> Protocolo de xestión das diferentes categorías de SANDACH xerados na actividade cinexética.
--------	---	--

